

«ԼԱՎԱԳՈՒՅՆ ԳՐԱԴԱՐԱՆ» ՄՐՑՈՒՅԹԻ ԱՆՑԿԱՑՄԱՆ ԿԱՐԳ

I. ԸՆԴՀԱՆՈՒՐ ԴՐՈՒՅԹՆԵՐ

Սույն կարգը սահմանում է Հայկական գրադարանային ասոցիացիայի (այսուհետ՝ ասոցիացիա) կողմից կազմակերպվող «Լավագույն գրադարան» մրցույթի (այսուհետ՝ մրցույթ) անցկացման կարգը և պայմանները:

II. ՄՐՑՈՒՅԹԻ ԱՆՑԿԱՑՄԱՆ ԱՆՎԱՆԱԿԱՐԳԵՐԸ

Մրցույթն անցկացվելու է հետևյալ անվանակարգերով.

- 1.«Լավագույն համայնքային գրադարան»
- 2.«Լավագույն մարզային գրադարան»
- 3.«Լավագույն նորարար գրադարան»
- 4.«Լավագույն գիտակրթական գրադարան»
- 5.«Լավագույն մասնագիտական գրադարան»

III. ՄՐՑՈՒՅԹԻ ԱՆՑԿԱՑՄԱՆ ԺԱՄԱՆԱԿԱՑՈՒՅՑԸ

Մրցույթն իրականացվում է հետևյալ ժամանակացույցով.

Հայտերի ընդունման մեկնարկ	2022 թ. հուլիսի 26
Հայտերի ներկայացման վերջնաժամկետ	2022 թ. սեպտեմբերի 5 (ներառյալ)
Հայտերի գնահատում և արդյունքների ամփոփում	2022 թ. սեպտեմբերի 26
Մրցանակների հանձնում	2022 թ. հոկտեմբերի 7

IV. ՄՐՑՈՒՅԹԻՆ ՄԱՍՆԱԿՑԵԼՈՒ ՊԱՅՄԱՆՆԵՐԸ

4. Մրցույթին կարող են դիմել Հայաստանի Հանրապետությունում գործող բոլոր գրադարանները:

5. Հայտի փաթեթը (բոլոր նյութերը «PDF» ձևաչափով, իսկ ամբողջը՝ «rar» կամ «zip» փաթեթով) պետք է ուղարկել [«lavaguyngradaran@gmail.com»](mailto:lavaguyngradaran@gmail.com) էլեկտրոնային հասցեին՝ «Թեմա» տողում նշելով գրադարանի անվանումը:

6. Հայտի փաթեթը պետք է ներառի՝

*լրացված ձևաթուղթը (կցվում է),

*գրադարանի առօրյայի մասին պատմող տեսանյութ,

*հիմնական ցուցանիշները՝ ընթերցողների քանակը, հաճախումների քանակը,

գրադարանային հավաքածուների տարեկան համալրման ցուցանիշը, գրքատացքը,

*Հայկական գրադարանային ասոցիացիան և մասնագիտական հանձնաժողովը հարկ եղած դեպքում կարող է դիմումատուից պահանջել հավելյալ փաստաթղթեր և նյութեր, ինչպես նաև կազմակերպել այց գրադարան:

V. ՄՐՑՈՒՅԹԻ ԱՆՑԿԱՑՄԱՆ ԸՆԹԱՑՔԸ

7.Մրցույթի հայտերն անհրաժեշտ է ներկայացնել էլեկտրոնային եղանակով:

8. Մասնակիցը մինչև հայտերը ներկայացնելու վերջնաժամկետի ավարտն իրավունք ունի չեղարկելու իր հայտը:

9. Հայտի ստացման պարագայում «lavaguyngradaran@gmail.com» էլ. փոստից հայտատուն պետք է ստանա հաստատող նամակ:

10. Հայտերի ընդունման վերջնաժամկետի ավարտից հետո յոթ աշխատանքային օրվա ընթացքում Հայկական գրադարանային ասոցիացիան հայտերը ներկայացնում է մրցութային հանձնաժողովի անդամներին՝ գնահատման:

11. Հանձնաժողովի անդամները հայտերի ստացումից հետո սահմանված ժամկետում հանձնաժողովի նախագահին են ներկայացնում մրցույթի գնահատման թերթիկները:

12.Մրցույթի արդյունքներն ամփոփվում են հանձնաժողովի եզրափակիչ նիստում՝ հանձնաժողովի անդամների գնահատման թերթիկների հիման վրա:

13.Հանձնաժողովն ընդունում է որոշում մրցութային անվանակարգերում հաղթող գրադարանների ցանկը հաստատելու վերաբերյալ;

14. Հաղթող է համարվում ամենաբարձր միավորներ հավաքած գրադարանը: